



Jonas est englouty par une Baleine, au ventre de laquelle il demeure trois iours & trois nuits, & enfin il en est deliuré.

VAND Ionas eut esté ietté en la mer, le Seigneur appareilla vn grand poisson pour l'engloutir, & estoit Ionas au ventre du poisson par trois iours & trois nuits. Lors il pria son Seigneur Dieu, du ventre du poisson, & dist ; I'ay crié au Seigneur en ma tribulation, & il m'a exaucé : i'ay crié du ventre d'enfer, & tu as exaucé ma voix. Tu m'as aussi ietté au profond cœur de la mer, & le fleuve m'a environné. Tous tes gouffres & tes flots font passez sur moy. Les eaux m'ont environné iusques à l'ame, l'abyssme m'a enclos, la mer a couuert mon chef, Quand mon ame estoit en angoisse, i'ay eu memoire du Seigneur, afin que mon oraison vienne à toy en ton saint Temple. Ceux qui prennent garde pour neant aux vanitez, ils laissent ta misericorde ; mais ie te feray immolation en voix de loüange, & rendray au Seigneur pour mon salut, tout ce que i'ay voüé. Lors le Seigneur commanda au poisson, & il ietta hors Ionas sur la terre seche.

Jonas 2. Chap.